

A Seitn ungreimta Ei-und-Ausfell

Altmodisch

Groad die, die wu mitm
Altmodischn so gringschetzi
rumschmeißen, kenna die
(uralta) Liebelei net gnuuch tuu ! -

Alt / Jung

Die schtreitn si rum,
derwall kann kaaner
wos dofier, wann und wu
sei Gboarts-Joahr-Monat-
Wochng-Toooh is, und
demokraatisch hams ihri
Eltern aa net wähl'n kenna ! -

Im Telefoonhaisla

Kaum bist drinna,
schteht scho Aaner
drauß'n vor der Tier und wart.
Siehchst na scho oo, wie na
die Zeit zu lang werd.
No ja, machst ders korz,
dann kummt er und waaft a langa Zeit ! -

Schach

Bis in Keenich matt ham,
sinn vill Schachschpiller
nu matter.
Die nexta Weltmasterschaft
is aufm Matterhorn ! -

Die Sammlbixn

NeizehahundertzwaadreiBi
woarns nu ni doo -
obber heit klapperns nu ! -

Gsundheits-Erziehung

Die Fraa Gsundheitsminister niest,
es Volk sacht: "Gsundheit" und
schaut drauf ! -

Die Ricksicht

Mancha maana, werns Der a Tier
unheefli in Rickng schloong,
is dees a Ricksicht. Heitzutooch
werd so vill (in die Kaafhaiser)
gnumma - bloß ka Ricksicht ! -

Aufm Papiär kennas gut foahrn

Wie vill Autos rumpl'n zsamm -
und alla ham in Fiehrerschei ! -